

ծել ըստ կամաց իւրեանց՝ յափշտակել զգերեզմանատունն՝ զրկել զՀայո, հանել 'ի գերեզմանաց զՀին և զնոր ննջեցեալս, չընդունիլ զվաւերական գրեանս նոցին, այլովքն հանդերձ: Ասա դարձուցանէ զբանն առ Կուսակալ և առ դատաւորն. թագաւորն Գաղղիոյ մշտնջենաւոր բարեկամ է ասէ, Տէրութեան մերոյ և կամիմ հաստատուն պահել զբարեկամութիւնն և զդաշնադրութիւնն. չնեղել զկղերս եւ զվաճառականս նոցա հակառակ ոգւոյն դաշնադրութեան: Իսկ Հայք հարկատու հպատակ են Տէրութեան իմոյ. 'ի հարկի հպատակասիրութեան յամենայնի պարտ է պաշտպանել և խնամել զնոսա և բառնալ զնեղութիւնս նոցա: Ի բաց կացէք յագահութենէ եւ զամենայն ինչ արդարութեամբ գործեցէք. մի լիցի ձեզ զմի կողմն զըրկել, և զմիւսն պաշտպանել ընդդէմ Կայսերական կամացս, զգոյշ լերուք չնանրացուցանել զվաւերական գրեանս երկուց կողմանց: Եթէ ըստ գրելոյ Դեսպանին զգետինն զայն յառաջ քան զ120 ամս զնեալ իցեն Լատինք օրինօք դատարանի և լեալ 'ի ձեռս նոցա. թաղեալ իցեն անդ ըզմեռեալս իւրեանց, և Հայք տարապարտուց ընդխմացեալք՝ խափանել զհակառակութիւնն. իսկ եթէ Լատինք աւելի յափշտակեալ իցեն՝ պաշտպան լինել Հայոց՝ և մի թոյլ տալ նեղել զնոսա, և բառնալ զխռովութիւնն: Եւ եթէ լսելի լինիցի յունկն իմ թէ սակս ագահութեան զմի կողմն զըրկեալ՝ եւ զմիւսն պաշտպանեալ էք, ոչ երբէք ունիք զերծանիլ 'ի պատիժ պատուհասից. նոյն օրէն է և կաշառառուաց՝ զի մին բարեկամ և դաշնադիր է Տէրութեանս, և միւսն հարկատու հպատակ, 1191 (1776):

Թէպէտեւ եհառ այս հրովարտակն յերուսողէմ, այլ գործն աւարտեալ էր, և Լատինք տիրեալ տեղւոյն, եւ չէր հնար վերստին թափել զայն 'ի ձեռաց նոցին: Սակայն Կուսակալն վերստին կազմեաց ժողով, և զմի մասն հրովարտակին ետ ընթեռնուլ, և արձակեաց զնոսա պատուիրելով երկուց կողմանց կալ մնալ սիրով ընդ միմեանս:

Յետ այսր վերջին ժողովոյ մատեան Լատինք առ դատաւորն՝ զի արդարացուցանել կարասցեն զինքեանս առաջի Արքային և Դեսպանին, և սկսան պատմել նմա ըզինքիրն ըստ ախորժակի իւրեանց՝ զի 'ի գրի հարեալ